

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

子部
第九〇冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

ZB70/03

四庫全書存目叢書·子部九〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 53 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第九〇冊目次

子部·雜家類

鴻苞四十八卷(三)

〔明〕屠隆撰
天津圖書館藏明萬曆三十八年茅元儀刻本

一

太史楊復所先生證學編四卷首一卷證學論一卷策一卷

〔明〕楊起元撰
北京圖書館藏明萬曆四十五年余永寧刻本

二四七

三一子不分卷

〔明〕程德良撰
湖北省圖書館藏清光緒九年板橋書屋刻本

四三二

宗一聖論二卷

〔明〕吳應賓撰
中國科學院圖書館藏清光緒四年吳樹申刻本

四五四

祈嗣真詮一卷

〔明〕袁黃撰
山西省祁縣圖書館藏明萬曆繡水沈氏刻寶顏堂秘笈本

五一八

支談三卷

〔明〕焦竑撰
山西省祁縣圖書館藏明萬曆繡水沈氏刻寶顏堂秘笈本

五四二

叢語十二卷

〔明〕吳炯撰
上海圖書館藏明萬曆何汝學重刻本

五五九

祝子小言一卷

〔明〕祝世祿撰
北京大學圖書館藏明萬曆刻環碧齋集本

七〇四

時習新知六卷

〔明〕郝敬撰
中國科學院圖書館藏明萬曆崇禎間郝洪範刻山草堂集增修本

七二五

鴻苞四十八卷(三)

〔明〕屠隆撰

天津圖書館藏明萬曆三十八年茅元儀刻

本

附《四庫全書總目·鴻苞四十

八卷》提要

鴻苞 卷之三十九

明東海屠

隆撰

西吳茅元儀公選訂

閔國珍聘之校

廣陵語

有凡夫之識有達人之識凡夫之識時疊日也日
疊月也月疊歲也執而有之種種皆實於是乎憂
愁煩惱皆從此生以達人之識觀之則一劫乃萬

鴻苞

卷之三十九

廣陵語

一

劫中之剎那也千秋萬歲乃一劫中之剎那也又
況生人之百年乎凡夫流浪盪於其中譬如虱之
處褲蛆之在糞涸涸擾擾而不自知余嘗泊舟廣
陵早起靜坐東方未明人聲冗冗踉蹌奔迫至暮
乃罷明旦復然靜而觀之竟不知其所吐何語所
必何事日復日歲復歲一朝長寢盪爲飛煙化爲
冷風潛消暗滅迭去迭處豈惟庸愚負販卽世所
稱英雄豪傑亦未免推盪於其中蝸名蠅利所得

幾何萬劫千生曾無解脫乘業力而遷流隨情識而轉化亦可哀矣。彼爲陰陽之所推盪涸擾茫不自覺稍靜觀默察一覷而破此大哀亦大可笑也。卽憂勞力競規其所難圖而盈其所無益何爲哉。上焉者悟無生之理涉不死之庭永脫遷流直超三界乃若寡慾清身任真推分逍遙以娛生聽命以待盡則其次也。舍此皆火宅矣。

鴻苞

卷之三十九

廣度

三

曇師遺言

世人見人學道則曰某昔也好色某昔也好貨某昔也剛暴如道何不知有過之人回頭勇猛舊業一掃而空卽無大過而悠悠忽忽多所顧戀終身去道遠矣。蓮華會上廣額屠兒放下屠刀立地成佛此之謂也。曇師曰一念精進業化爲因一念退悔緣化爲業火坑蓮臺倏忽一轉念時故須陀洹與六道衆生有地位而無階級。曇師曰大凡

鴻苞

卷之三十九

三

道以希夷入者正以詭秘入者邪以功行教者實以光景教者虛又曰道從精嚴以入自然敬德之至也。本撥而稱圓通非吾所謂自然也。又曰氣無時而不運何必我運息無時而不調何必我調常清常淨與天地合其氣矣。常恬常愉與四時合其息矣。世乃有閉息逆氣以自速其死死則墮餓鬼道矣。又曰目者心之宅夢者心之游君子觀心於目驗心於夢是故貴存神返視。又曰吾師所授道

乃盡在儒書中毋意毋必毋固毋我四毋耳。又曰夫道不在多言但請十二時中點檢身心過失。又曰夫一二三五身中備具大人踐形惟肖舍而求之男女賄道也求之藥石倖福也。又曰天堂地獄非天造地設皆因隨氣成氣隨想結者耳。又曰壯哉氣之爲用是司命君所不能奪予也彼不善人而久於壽者氣王故也不善人死而復爲神者其游氣未散也游氣一散則復入鬼錄耳夫氣不勝

鴻也

朱子三十九

四

一百三

理乘六氣以游無窮者乘理也師之遺言居然經也是真靈所發也

鄭子元

鹿園居士灼艾集記鄭子元由翰林補外十年餘不得賜環侘傺無聊遂成心疾聞真空寺有老僧不用符藥能治心疾往叩之老僧曰相公貴恙起於煩惱煩惱生於妄想夫妄想之來其幾有三。或追憶數十年前榮辱恩仇悲歡離合及種種閒情。此是過去妄想。或事到眼前可以順應却乃畏首畏尾三番四覆猶豫不決。此是見在妄想。或期望日後富貴榮華皆如其願。或期望功名成名遂告老歸田。或期望子孫登庸以繼書香。與夫一切不可必成不可必得之事。此是未來妄想。三者妄想。或然而生。忽然而滅。禪家謂之幻心。能照見其妄而斬斷念頭。禪家謂之覺心。故曰不患念起惟患覺遲。此心若同太虛煩惱何處安脚。又勸子元絕內外二慾。遣事理二障。則水升火降病自去體。子元如其言乃獨處一室掃空萬緣靜坐月餘心疾如

鴻也

朱子三十九

鄭子元

五

一百九

失老僧說三時妄想亦只是因子元思想官爵功名底病用藥其實人妄想多端並須除去大慧禪師云得息心且息心已過去底事或善或惡或逆或順都莫思量現在事得省便省一刀兩段不要遲疑未來事自然不相續矣釋迦云心不妄取過去法亦不貪着未來事不於現在有所住了達三世悉空寂

鴻苞

卷之三十九

鄭子元

木子

釋道欽

釋道欽與劉宴譚禪稱諸惡莫作眾善奉行晏曰此三尺童子皆知之欽曰三尺童子皆知之百歲老人行不得

鴻苞

卷之三十九

釋道欽

七

五

太清

發光氏晚坐見纖雲斷空太清朗揭歎曰人心得如是乎何論道矣雲霧障天過而復朗清也事物經心去而不留亦太清也

鴻苞

卷之三十九

太清

八

好道

溟滓子好道絕嗜寡慾守戒奉齋有年或曰夫跨鶴清都騷鸞紫府齊日月而比壽凌倒影而消搖口餐太和耳聞天樂金牕繡戶瑤輿玉床者此得道之上樂也貴有珪組富積金錢花竹平於高臺鳬鴈滿乎曲池美酒盈觴粉黛成行歌舞如雲火炬如月者此浮生之至驪也道具往因僊有宿骨以蜉蝣之質慕龜鶴之年以穢濁之姿希沖舉之事難矣固不如退而享有限之樂任必至之期春花未殘已問秋月夜燕甫罷蚤理晨遊古人云人生行樂耳又云今我不樂歲月其馳何苦棄爾嗜好屏爾繁華蕭然淒冷兀然孤寂草衣木食灰志枯形舍分內可致之福而求分外不可必之榮竊恐世味既捐僊都竟遠不將兩失之乎秦皇漢武作鑒甚明願吾子之無惑也溟滓子曰塵鳳龜龍虫之靈也僊佛神聖人之靈也積穢而沉溺修真

鴻苞

卷之三十九

好道

九

而登遐理之常也。人患無志。子安知吾之無宿緣乎。倘往因已具。則今日之圓滿現證何疑。如宿本未滅。則及今之脩持後緣已種。立志誓以必成。即不成。亦藉以寡過。彼區區崇酒大戴蛾眉靡曼何足戀乎。昔秦漢之君以穢濁而慕清虛。今吾慕清虛而去穢濁。其所繇殆與二君遠矣。子懼兩失實竊不然。夫使不好此道。即人世之慾樂亦不必淡嗜也。

鴻苞

卷之三十九

新道

十

下生

徐長孺

雲間徐長孺。詒余書略云。公但仔細覷捕看屠長卿。畢竟在何處。祇今廁屎放溺。現宰官現居士。昭昭靈靈。喚着便應。底莫非不是屠長卿麼。莫非就是屠長卿麼。離却此數種。討屠長卿。是謂撥波求水。即此數種。討屠長卿。是謂認賊作子。余謂長孺此等見解。正矣。第其言引而不發。藏頭尾。隱機關。明者聞言。自悟昧者。相向茫然。余故略闡明之。長孺所謂屠長卿。非假屠長卿。乃真屠長卿也。上指數種。乃是識神。若認此數種。即是屠長卿。則是以識神爲性靈。故云認賊作子。然此個識神。一回頭醒悟。便是性靈。初非二物。若離此數種。討屠長卿。何處更有屠長卿。在故云撥波求水。長孺之意。蓋提撕余轉識爲知。轉煩惱爲菩提。從假得真。真不離假。在迷悟之間耳。

鴻苞

卷之三十九

徐長孺

十

列子

列子曰：蠅爲鶉得水爲隘，得水土之際則爲蠅蟻之衣，生於陵屯則爲陵舄，陵舄得鬱栖則爲烏足。烏足之根爲臍，臍其葉爲胡蝶，化而爲蟲，生竈下。其狀若脫，其名曰綯。綯綯千日化而爲鳥，其名曰乾餘骨。乾餘骨之沫爲斯彌，斯彌爲食醯。願輅食醯，願輅生乎食醯。黃輅食醯，黃輅生乎九猷。九猷生乎瞀，瞀生乎腐。羊肝化爲地臯，馬血之爲轉鄰也。人血之爲野火也。鶴之爲鸛，鷗之爲布穀，布穀久復爲鷗也。燕之爲蛤，也田鼠之爲鷯也。朽瓜之爲魚也，老韭之爲莧也，老耨之爲援也。魚卵之爲蟲，也爰之獸，自孕而生曰類。河澤之鳥視而生曰鵲，厥昭生乎濕，醯雞生乎酒，羊奚比乎不筍，久竹生青寧，青寧生程程，生馬，馬生人，夫昆蟲變化尚有然者，何況人爲最靈，具五常，備三寶，乃不能蛻骨化形，超凡入聖耶？余謂昆蟲蠢然者

鴻苞

卷之三十九

列子

十三

三九三

其變化無常，乃爲造物之所推盪，而不能自主，正隨業逐緣，流轉不已。人能修道，則乘理御氣，主張乎造物而不爲造物之所主張，神變化而遊無窮。豈列子之所謂哉？蓋垂以氣化化之權在造物人，以理化化之權在我。

列子稱榮啓期處常得終爲無憂，林類死期將至，爲可樂。又云：宰墳鬲則息矣，以死人爲歸，人生人爲行人，此可謂達生死，未可謂了生死也。悟有

鴻苞

卷之三十九

列子

十三

三八三

生之必有死，而樂天委命，符到卽行，固已洒然。然必盡性至命，真元不壞，而後可以握造化之樞，順去來之運。不然，而資糧未備，何以自主？生固浮游，死歸輪轉。雖曰樂死，不怖，亦終屬勉強推理，自寬者耳。

按：列子尹氏之役夫，晝則爲役夫，夜則夢爲國君。尹氏晝則爲富人，夜則夢爲僕，吾不知國君富人苦耶？僕役樂耶？晝夢耶？夜寐耶？其尤異者，西極之

南隅古莽之國其民不衣不食而多眠五旬一覺以夢中所爲者實覺之所見者妄夫人從迷得妄從妄得生故四肢百骸者妄形也見聞想識者妄情也榮辱得失者妄緣也哀樂怨親者妄結也起伏而無常虛幻而不實百年擾擾何者非夢寧獨夜夢爲夢哉聖人以照破迷以真除妄夫是之謂大覺也

鴻卷

朱子手札

卷九

書

讀書

裴相國休以詩贈黃蘗禪師曰自從大士傳心印額上圓珠七尺身掛錫十年栖蜀水浮杯今日渡漳濱一千龍象隨高步萬里香花結勝因擬欲事師爲弟子不知將法付何人黃蘗不顧曰若形于紙筆何有吾宗休問故曰上乘之印唯是一心更無別法心體一空萬緣俱寂如大日輪升于虛空其中照耀無纖埃證之者無新舊無淺深說之者

鴻卷

朱子手札

卷九

書

二五

不立義解不開戶牖直下便是動念卽乖大慧禪師曰士大夫讀書多無明多讀書少無明少官大人我大官小人我小劉赤脚先生曰修行人不在記念千經萬論只要煉心只要觸慾無事如枯木石頭相似動靜境上識得自已始得饒你念得千經萬論多智多解若不煉心遇逆順境忽然心變觸慾動靜當他不過不曾向自己心性上下工夫只是隨人脚跟轉只向古人言句上做活計心隨

境動境逐心生說時慧悟對境還迷假如解得千
經萬論又於言句上甚有所悟正是一點螢光有
多少明處若是自己本性上悟得底如百千日月
放大光明宇宙乾坤無不照徹杜鴻漸謂無住禪
師曰弟子撰得起信論章疏兩卷可得稱佛法否
師曰夫造章疏皆用識心思量分別云何是佛法
白玉蟾曰當初錯用了工須先學天後學識字嗟
嗟文人才子夙有慧業包羅萬古剔抉三才而悟
鴻苞

卷之三

讀書

十六

三

答張文學成叔書

僕始以成叔文人之雄爾頃奉手教字字喫緊成
叔蓋是嘗實畱心一段大事因緣者伏讀悚異既
承明問敢不悉心以復成叔之言曰或垂踵於萬
仞之崖下臨百丈之溪不震動不羅剎江船風濤
傾覆不改常不戰場鬼火餓虎夜叉不恐怖不暴
疾垂絕妻子環泣不眷戀不國威嚴重身蒙大戮
不痛楚不家遭大疫骨肉俱盡不失意不大權去

鴻苞

卷之三

十七

三

性了道顧不如椎魯質木終日無言之夫多記則
損智多言則損神及至無常一字都用不着南華
先生云用志不分乃凝于神含光守中學道者所
當猛省也

已客散家貧不無聊不大俠名高揮金極溺不德
色不凡此數者撼頓急猝動心奪氣莫此爲大踴
絕英雄精神氣魄彈壓一世卒然而當此境未必
能了何況後生小夫本無識鍊徒好奇負氣平居
抵掌揚眉揮斥睥睨一旦臨變五色無主何能屹
然不動謝安石與諸公汎海風波大作諸公震駭
而謝傅談笑自若夏侯玄遇疾雷破柱作書不輟
臨刑東市顏色不變此由宿根天性非必有大涵

養足了生死觀太傅展齒之折知其此中未能纖毫動一有足動便不了事崔浩自比子房國書之變股栗聲嘶昌黎登華山而慟哭鄭公敗好水而繞牀子瞻下獄鷄鹿徬徨歐陽遷謫意態立見英雄如此不動難哉了此其惟至人乎釋迦世尊身被割裂漠然浮雲伯昏瞢人登高臨深形如飛鳥神禹視龍猶蜺蜺王長視猶家畜此真不動心心了生死者也老子曰吾之大患爲吾有身及吾

鴻苞

卷之三十九

十九

三六

無身吾有何患此櫛柄也蓋人有假我有真我血肉形骸四大假合遠則百年近則旦暮暫合則形骸忽散則灰土譬之逆旅傳舍假我也一點靈光萬劫不壞此真我也維執著形骸認假我爲真我假我而外之長物悉認爲我於是愛戀恐怖生焉至人覩破假合總屬無常外百年偶聚之身而修萬劫不壞之體於是忘形以養氣忘氣以養神忘神以養虛靈光完足透徹瓊瓏形骸而在也則形

爲神宅神爲形主具一人之身形骸而散也則假我雖壞真我無恙具千百億之身靈光無形而形無體而體浸之不溺焚之不焦筆之不楚斫之不傷索之無痕搏之不得任天下事變撼頓促急其奈我何至人之所爲不動心了生歿以此雖有英雄豪傑以識勝之以力鎮之卽能不動終非了義釋迦體被割裂殆盡旋卽如故王子年身首異處倏焉無恙何以故真我不壞也所謂了也今夫虎

鴻苞

卷之三十九

十九

三六

狼食人不食嬰兒醉者墜於車而不傷嬰兒醉者混沌無知恐怖不入其心故物莫能害也人必心先受傷而後形從之矣嬰兒全於天醉者全於酒而況至人離垢絕塵屏識去智希夷溟滓與道合真死生利害不入其府憂樂喜懼不滑其和西昇經云神能飛形神能飛形則不知形之爲神不知神之爲形形神俱妙卽遇水火刀兵割水吹光也震撼擊撞空花泡影也心不受傷形何傷之有老

氏所謂無身非無身也形與神妙合完真我而忘假我故云無身也無身何患也壯夫烈士激於一時之意氣發乎一念之精誠便能蹈白刃而不懼赴鼎鑊而如飴而況至人之與道合真者耶何也太極爲主則陰陽不能侵刀兵水火死生利害皆屬陰陽者也壯夫烈士一念精誠一念太極也至人渾淪合道渾淪太極也卽有久暫淺深均非陰陽所能侵也從古忠孝義烈生平不聞修大道了

鴻苞

卷之三九

子

生死而臨難授命遂爲天神蓋卽此臨時精誠卽了也平居修道設或臨難慮怯卽此慮怯卽不了也佛氏貴臨終時之一心不亂以此也成叔高明勁峭道門偉器也請從此校勘四大之爲假也靈明之爲真也校破此關則情塵忘情塵忘則性見性見則形骸化何事不了嗟嗟是無始以來人人本有者也本有而不還則歷劫多生之欲蓋之也徹蓋悟真成叔力諸且無問大事了不了也力徹

力悟還君了時急而求了卽此求了之心卽不了也

鴻苞

卷之三九

子

虞長孺

餘杭虞長孺天姿絕異朗潔澄湛德器夙成再來人也居山中調御時有殊勝光景余心慕之歲乙酉與余晤于清源舟中時余鄉余君房亦在余間長孺曰聞君山居聖賢從空中每爲指導有諸長孺曰以生平信向誠切有之不爲奇人習靜稍久滓穢漸去靈光漸現卽空中遇聖賢知千里外事皆常境不足爲怪然遽謂了道未也又問聖賢常

鴻苞

卷之三十九

虞長孺

三

三

爲足下言不肖道念不精進有諸長孺未荅君房曰子自以爲邇來修持精進否余曰余烏能知日從塵囿中回光返照雖曰回光必有時不回雖曰返照必有時不照是余之大懼也然余近被非常詬辱了無瞋恚不近于超脫乎長孺曰非謂汝不超謂汝不持戒也戒乃生定定乃生慧夫超脫者慧也不戒而定徑自生慧無是理也且超脫者了道地位也不戒何能了道不了道而遇境能不動

心止名排遣不名超脫余矍然曰敬聞命昔陶通明玄理大徹猶詣阿育王受五大戒不肖行往矣君房曰今夕卽受戒何云行往長孺曰受戒有大威儀焉譚何草艸

鴻苞

卷之三十九

虞長孺

三

三